

皇朝經世文編



蘭室秘藏卷中

江陰朱氏校刊本

金 眞定李 杲著

頭痛門

頭痛論

金匱眞言論云東風生於春病在肝俞在頸項故春氣者病在頭又諸陽會於頭面如足太陽膀胱之脉起於目內眦上額交巔上入絡腦還出別下項病衝頭痛又足少陽膽之脉起於目銳眦上抵頭角病則頭角額痛夫風從上受之風寒傷上邪從外入客於經絡令人振

寒頭痛身重惡寒治在風池風府調其陰陽不足則補
有餘則瀉汗之則愈此傷寒頭痛也頭痛耳鳴九竅不
利者腸胃之所生乃氣虛頭痛也心煩頭痛者病在膈
中過在手巨陽少陰乃濕熱頭痛也如氣上不下頭痛
癰疾者下虛上實也過在足少陰巨陽甚則入腎寒濕
頭痛也如頭半邊痛者先取手少陽陽明後取足少陽
陽明此偏頭痛也有真頭痛者甚則腦盡痛手足寒至
節死不治有厥逆頭痛者所犯大寒內至骨髓髓者以
腦爲主腦逆故令頭痛齒亦痛凡頭痛皆以風藥治之

者總其大體而言之也高顛之上惟風可到故味之薄者陰中之陽乃自地升天者也然亦有三陰三陽之異故太陽頭痛惡風脉浮緊川芎羌活獨活麻黃之類爲主少陽經頭痛脉弦細往來寒熱柴胡爲主陽明頭痛自汗發熱惡寒脉浮緩長實者升麻葛根石膏白芷爲主太陰頭痛必有痰體重或腹痛爲痰癖其脉沉緩蒼朮半夏南星爲主少陰經頭痛三陰三陽經不流行而足寒氣逆爲寒厥其脉沉細麻黃附子細辛爲主厥陰頭項痛或吐痰沫厥冷其脉浮緩吳茱萸湯主之血虛

頭痛當歸川芎爲主氣虛頭痛人參黃芪爲主氣血俱
虛頭痛調中益氣湯少加川芎蔓荊子細辛其効如神
白朮半夏天麻湯治痰厥頭痛藥也青空膏乃風濕熱
頭痛藥也羌活附子湯治厥陰頭痛藥也如濕氣在頭
者以若吐之不可執方而治先師嘗病頭痛發時兩頰
青黃暈眩目不欲開懶言身體沉重兀兀欲吐潔古曰
此厥陰太陰合病名曰風痰以局方玉壺丸治之更灸
俠谿穴卽愈是知方者體也法者用也徒執體而不知
用者弊體用不失可謂上工矣

青空膏

治偏正頭痛年深不愈者善療風濕熱頭上壅損目及腦痛不止

川芎 五錢

柴胡 七錢

黃連 炒

防風 去蘆

羌活 各一兩

炙甘草 一兩五錢

細挺子黃芩 三兩去皮剉一半酒

製一
半炒

右爲細末每服二錢匕於盞內入茶少許湯調如膏

抹在口內少用白湯送下臨卧

如苦頭痛每服加細辛二分

如太陰脉緩有痰名曰痰厥頭痛減羌活防風川芎甘

草加半夏

一兩五錢

如偏正頭痛服之不愈減羌活防風川芎一半加柴胡

一倍

如發熱惡熱而渴此陽明頭痛只與白虎湯加好吳白

芷

徹清膏

蔓荊子

細辛

各一分

薄荷葉

川芎

各三分

生甘草

熟甘草

各五分

藁本

一錢

右爲細末每服二錢食後茶清調下

川芎散

治頭目不清利

川芎 三分

柴胡 七分

羌活

防風

藁本

生甘草

熟甘草

升麻

各一錢

酒生地黃

二錢

酒黃連

炒

酒黃芩

各四錢五分

右爲細末每服一錢或二三錢食後茶清調下忌酒

濕麴

白芷散

一名鬱金散

治頭痛

鬱金 一錢

香白芷

石膏 各二錢

薄荷葉

芒硝 各三錢

右爲極細末口含水鼻內嚙之

碧雲散

治頭痛

細辛

鬱金

芒硝 各一錢

蔓荊子

川芎 各一錢二分

石膏 一錢三分

青黛 一錢五分

薄荷葉 二錢

紅豆 一箇

右爲極細末口噙水鼻內嚙之

羌活清空膏

蔓荊子

一錢

黃連

三錢

羌活

防風

甘草

各四錢

黃芩

一兩

右爲細末每服一錢茶清調下食後臨卧

清上瀉火湯

昔有人年少時氣弱常於氣海三里灸之節次約五七十壯至年老添熱厥頭痛雖冬天大寒猶喜寒風其頭痛則愈微來暖處或見烟火其痛復作五七年

不愈皆炙之過也

荊芥穗

川芎

各二分

蔓荊子

當歸身

蒼朮

各三分

酒黃連

生地黃

藁本

甘草

各五分

升麻

防風

各七分

酒黃蘗

炙甘草

黃芪

各一錢

酒黃芩

知母

酒各錢半

羌活

三錢

柴胡

五錢

細辛

少許

紅花

少許

右剉如麻豆大分作二服每服水二盞煎至一盞去

粗稍熱服食後

補氣湯

服前藥之後服此藥

柴胡

二分

升麻

三分

黃芩

八分

當歸身

炙甘草

各二錢

紅花

少許

右咬咀作二服水二盞煎至一盞去粗稍熱服食後

細辛散

治偏正頭痛

細辛

瓦粉

各二分

生黃芩

芍藥

各五分

酒黃連

川芎

各七分

酒黃芩

一錢

甘草

炙一錢五

柴胡

二錢

右爲麤末每服三錢水一大盞半煎至一盞取清食後服之

羌活湯

治風熱壅盛上攻頭目昏眩

炙甘草 柴分 澤瀉 三錢

瓜蒌根 酒洗五錢 羌活 一兩

白茯苓 各五錢 酒黃蘗 各五錢

柴胡 七錢 防風

細黃芩 酒洗 酒黃連 各一兩

右爲麤末每服五錢重水二中盞煎至一盞取清食後臨卧通口熱服之

養神湯

治精神短不得睡項筋腫急難伸禁甘溫宜苦味

木香

橘皮

柴胡

各一分

酒黃芩

二分

人參

黃蘗

白朮

川芎

各三分

升麻

四分

蒼朮

麥蘗

當歸身

黃連

各五分

甘草

半夏

各七分

黃芪

一錢

右咬咀每服五錢水二大盞煎至一盞去粗稍熱服

不拘時候

安神湯

治頭痛頭旋眼黑

生甘草

炙甘草

各二錢

防風

二錢五分

柴胡

升麻

酒生地黃

酒知母

各五錢

黃芪

二兩

酒黃蘗

羌活

各一兩

右爲麤末每服五錢水二大盞半煎至一盞半加蔓

荊子五分川芎三分再煎至一盞去粗臨卧熱服

半夏白朮天麻湯

范天駭之內有脾胃證時顯煩躁胸中不利大便不

通而又爲寒氣拂鬱悶亂大作火不伸故也疑其有

熱服踈風丸大便秘行其病不減恐其藥少再服七八
十丸大便秘復見兩行元證不瘳增以吐逆食不能停
痰唾稠粘湧出不止眼黑頭旋惡心煩悶氣短促上
喘無力以言心神顛倒目不敢開如在風雲中頭苦
痛如裂身重如山四肢厥冷不得安卧余料前證是
胃氣已損復下兩次則重虛其胃而痰厥頭痛作矣
與此藥而治之

黃蘗

二分
酒洗

乾薑

三分

澤瀉

白茯苓

天麻

黃芪

人參

蒼朮

各五分

炒神麴

白朮 各一錢

麥蘖麴

半夏 湯洗

橘皮

各一錢五分

右咬咀每服五錢水二大盞煎至一盞去粗熱服食

前一服而愈此頭痛苦甚謂之足太陰痰厥頭痛非

半夏不能療眼黑頭旋風虛內作非天麻不能除黃

芪甘溫瀉火補元氣實表虛止自汗人參甘溫瀉火

補中益氣二朮俱苦甘溫除濕補中益氣澤瀉茯苓

利小便導濕橘皮苦溫益氣調中升陽神麴消食蕩

胃中滯氣大麥麴寬中助胃氣乾薑辛熱以滌中寒